

hara? Kua rongu nei koe i tona manawanui-tanga, i tona mamaetanga, i tona matenga mou, he aha tau mona? Tahuri atu ki te mahi ki a ia, hoatu o ra whakamutunga ki a ia; kia tu rawa ano te ringa ki te mahi ki a ia ka haere ai i te huarahi o nga matua, o nga tipuna. Mana koe e whakakaha, ma tona wairua e whakahou te ngakau. Ki te tahuri koe ki a ia inaianei nui atu te huri o tona ngakau, ka waiata nga anahera o te rangi ka maringi nga roimata o te reinga. "Ka kite ia i ta tona wairua i uaua ai, a ta'u ara te ngakau." Ihia 53, 11. Tirohia Ruka 13, 10. me Hiperu 12, 1, 2.

Otiira e te hoa, ki te whakakawea koe ki te aroha noa o te Atua, ki te takatakahi i ona tohu ki raro i o waewae, kaati he tukituki tuarua tau i te ngakau o te Tama a te Atua. Ka kino ke atu tau patunga i a ia i ta nga Hurai, ano koe e whariri ana ki te rawera i runga i te tinana mate o te Karaiti. "Ki ta koutou whakaaro e kore ranei e tika kia rahi ake te whiri mo te tangata, i takahi ai te Tama a te Atua, i meinga ai hei mea noa nga toto o te kawenata i whakatapua ai ia, a whakaiti ana i te Wairua o te aroha noa?" Hiperu 10, 29.

Whakarongo ki te tangi a te Kai-whakawea "He kahore noa iho ianei tenei ki a koutou, e te hunga e haere nei i te ara? Whakaaro mai titiro mai, e rite ranei tetahi mamae ki toku mamae?" (Tangi a Heremai 1, 12.)

No wad te toru e tangi mai.

I reinga ai i Kawari?

No te Atiki atawhai?

He kawenga na te mamae.

I ta nga ringa i te whao

I weraia te kuaako

I papa pa nga toto ra

I runga i te ripaka.

TE HUI KI WHANGARAE.

Ki te Etita o Te Pipiwhararua,

E hoa toa koe. Tenei etahi kupu ruarua hei huringa atu ma ta tatou mau ki nga topito e wha o nga Motu nei. Ahakoa kei te wahi korahi matou e haunga nei ko Whangarae, e puta ana ano te hiahia kia rangona o matou reo, me te ahua o a matou mahi.

Ko tetahi o nga kai-whakaako o te kura a Miss Denker, no te toru o nga ra o tenei mararama i haere ai hei kai-tiaki turoto i te Hoi-pera o Ponake. He tiro waihiue pai ia, he atawhai, he aroha, he mate oha ki te tangata. I wehe pai atu ia i runga i te rangimarie. Kaore ano kia whakaturia he whakakapi mo tona turanga engari kei te rapua.


No te toru o nga ra o tenei mararama ka tu te hui ki konei. I tae mai ano nga tangata maori o Te Hoiere, o Okoha, o Wairapa,

me tetahi atu wahi o Ao tea rau. E rua nga tina nana i uta mai. Ko nga tino tikanga i kauwhautia e nga kai korero ko te whakamutu i te kai i nga wai-kaha, ko te taatoko i nga mahi pai i waenganui o te Iwi Maori. Kotahi rau e ono tekau ma rima katia i hui.

I runga i te hiahia o etahi o nga Maori kia kite ratou i te mahi a nga tamarii o te kura e hiahia nei hoki etahi o ratou kia tu he kura ki Okoha, ka whakaetia e te kai whakaako e Miss Kelly. I te ahiahi o te 12 o nga ra ka hui atu nga tangata ki te whare kura ara nga taatamariki. Ko nga korohiue me nga kula kihai i tae. Ko nga mahi, he waiata ropa, he haka pakeha, he whai-korero i roto i te reo Ingarihi. He nui ano te kua me te whakamomoti a nga tangata ki te kau-whakaako me nga tamarii, a a mo te tere ki te hopu i to te pakeha reo. I te rangonga o nga kula, o nga koroua, ka tono kia kawea atu kia kite hoki ratou. Ka tuatuaia ano ki te kainga Maori, me te whakamomoti ano nga kaumatua. No te 16 o nga ra ka hokihoki nga tangata ki o ratou kainga.

Kia ora koe i roto i nga mahi a te Ariki i raro hoki i te mana o te Atua.

NA TE WAIHAERE HIPAKAITI.



TAKU KOKA.

"E kororotia ana tetahi rakau kei Inia.

Ahakoa kuahea e te ra e te rangi

Kia tiria noa atu ona mara,

Kia toro, kia puawai whakarunga,—

Otiira konohi toru ki te whakapiko i ona mara

Ki tana whenua ano i arohaia e ia,

No reira nei tona oranga, i tipu ai, i mahana ai

Tona tinana o tora whakawanga mai:

Waihoki, ahakoa kuahea kua e nga tui hoa

Whakagata ki te rangonui, (ina rangonui.)

Otiira, e toku koka aroha, ka piko toru te ngakau

Ki a koe, i runga i to te aroha korongatanga.

Ko te rakau e kororotia i te waiata nei he panianua (banyan tree), kei Inia e tipu ana, ko ona mara piko ai ki te whenua, a tipu toru atu hei tinana ano mo te rakau. Ko tenei te rakau whakabarahara atu i te ao, kua noko ki raro i tora taumarumaruanga te 7,000 hoi, a nui atu i te toru tekau eka o te whenua e kapi ana i a ia. E tu tonu ana tona aroha ki tona whaea ki te whenua, ahakoa piki whakarunga ka konohi tonu ki te hoki ki te whenua, waihoki, e tana, e hine, kia aroha, kei wareware koe ki a ia paha nei koe i puta mai ai ki tenei ao, rana nei koe i whalati, i whaigai; kia ata mui i a ia; manaakitia, whakahia ona ra whakamutunga; apopo koe aroha ai ina ngaro atu ia i o tirohanga kanohi, mui hoki to rongu ki a ia e karangana ana i to ingoa.

R. T. M. K.